

Morning Dogri (NSD) National News Bulletin 24-11-2024

आकाशवाणी

खबरां नरेश शर्मा कोला।

1. प्रधानमंत्री नरेन्द्र मोदी होर अज्ज बडलै 11 बजे आकाशवाणी पर “मन की बात” कार्यक्रम च अपने बचार सांझे करगंन।
2. प्रधानमंत्री नरेन्द्र मोदी होर अज्ज नमीं दिल्ली च ओडिशा परबा 2024 च शामिल होंगन।
3. महाराष्ट्र विधानसभा चुनां च बीजेपी दे नेतृत्व आले महायुति गठबंधन नै भारी जित्त हासल कीती ऐ। झारखंड च जेएमएम दे नेतृत्व च इंडी गठबंधन नै सत्ता बरकरार रखी ऐ।
4. प्रधानमंत्री नरेन्द्र मोदी होरें आखेआ ऐ जे महाराष्ट्र च बीजेपी दी जित्त सुशासन ते विकास दी जित्त ऐ।
5. रांची च अज्ज इंडी गठबंधन दे नमें चुनोए दे विधायक बैठक करियै विधायक दल दे नेता दा चुनां करगंन।
6. संसद दे सेयाले आले इजलास शा पैहले केन्द्र सरकार अज्ज नमीं दिल्ली च सर्वदलीय बैठक लाग।
7. टेनिस च भारत दी जोड़ी श्रीराम बालाजी ते रिट्विक बोलीपल्ली नै इटली च एटीपी चैलेंजर टूर च पुरुष युगल खिताब जित्ती लैता ऐ।

<><><><><><>

PM-Man Ki Baat

प्रधानमंत्री नरेन्द्र मोदी होर अज्ज आकाशवाणी पर “मन की बात” कार्यक्रम राएं देश ते विदेश दे लोकें कन्नै अपने बचार सांझे करगंन। एह इस म्हीने रेडियो कार्यक्रम दी 116मीं किश्त होग। एह कार्यक्रम आकाशवाणी ते दूरदर्शन दे समूलचे नेटवर्क उप्पर ए.आई.आर दी वैबसाइट उप्पर ते न्यूज़ ऑन एयर मोबाइल ऐप उप्पर प्रसारत कीता जाग। एहदे इलावा एयर

न्यूज, डीडी न्यूज, पीएमओ ते सूचना ते प्रसारण मंत्रालय दे यूट्यूब चैनलें उप्पर बी सिद्दा प्रसारण कीता जाग। आकाशवाणी दे इस कार्यक्रम गी हिंदी प्रसारण दे तुरत मगरा क्षेत्रीय भाषाएं च बी प्रसारत कीता जाग। बडलै 11 बजे होने आले मन की बात दे हिंदी प्रसारण दे तुरत मगरा एहदा डोगरी च अनुवाद प्रसारत रातीं 8 बजे बी कीता जाग। आकाशवाणी दा क्षेत्रीय समाचार एकांश जम्मू “मन की बात” पर इक परिचर्चा कल रातीं सांझे 10 बजे करोग।

<><><><><><>

PM Odisha

प्रधानमंत्री नरेन्द्र मोदी होर अज्ज नमीं दिल्ली च “ओडिशा परबा 2024” कार्यक्रम च शामिल होंगन। इस मौके पर ओह् किट्ठे गी संबोधत बी करगंन। नमीं दिल्ली च ओडिशा समाज ट्रस्ट आस्सेआ “ओडिशा परबा” प्रोग्राम लोआया जंदा ऐ। एहदा मकसद इंडिया विरासत दी सांभ-सम्भाल करना ते इसी बढावा देना ऐ। इस ब'रे इस म्हीने दी 22 तरीक कोला लेइयै ओडिशा परबा दा आयोजन कीता गेदा ऐ। अज्ज एहदा समापन होई जाग।

<><><><><><>

Poll

महाराष्ट्र च होए दे विधानसभा चुनां च बीजेपी दे नेतृत्व आला महायुति गठबंधन नै भारी जित्त हासल कीती ऐ। कुल 288 सीटें चा बीजेपी नै 132, अजहत पवार हुंदी एनसीपी 41 ते एकनाथ शिंदे हुंदी शिव सेना नै 57 सीटां जित्तियां न। महायुति गठबंधन च बीजेपी, शिव सेना ते एनसीपी शामिल न। विपक्षी कांग्रेस 16, एनसीपी शरद पवार 10 ते शिव सेना उद्धव ठाकरे 20 सीटां गै जित्ती सके न। तोआई झारखंड च 81 सीटें च 34 सीटां जित्तियै झारखंड मुक्ति मोर्चा नै इंडी गठबंधन गी जित्त दोआई ऐ। कांग्रेस नै 16, आरजेडी 4 ते होरने 6 सीटां जित्तियां न। बीजेपी गी झारखंड च 21 सीटां थोइयां न। महाराष्ट्र च सब्बने 288 सीटें लेई इस म्हीने दी 20 तरीक गी वोट दे जदके झारखंड च इस म्हीने दी 13 ते 20 तरीक 2 गेड़ें च मतदान होआ।

<><><><><><>

PM Polls

प्रधानमंत्री नरेन्द्र मोदी होरें आखेआ ऐ जे महाराष्ट्र दे विधानसभा चुनाएं च बीजेपी दी जित्त खरे शासन ते विकास दी जित्त ऐ। श्री मोदी होरें नमीं दिल्ली च पार्टी दे सदर दफ्तर च कार्यकर्ताएं गी संबोधत करदे होई आखेआ जे चुनाएं दे नतीजे नकारात्मक राजनीति दी हार ऐ। उनें आखेआ जे केई सारे राज्यें च होए दे उपचुनाएं च बी लोकें बीजेपी गी लेइयै अपना भरोसा जताया ऐ। उनें आखेआ जे बीजेपी महागठबंधन च त्री बारी सब्बने कोला बड़्डी पार्टी बनियै उभरी ऐ। महाराष्ट्र नै विकसित भारत दे धेइयै गी निगगर कीता ऐ। प्रधानमंत्री होरें कांग्रेस दी नुक्ताचीनी करदे होई आखेआ जे कांग्रेस पार्टी दा पूरा ध्यान परिवार दे उप्पर ऐ ते जेह्डी पार्टी नागरिकें गी छोड़ियै परिवार गी पैहल दिंदी ऐ ओह लोकवाद लेई खतरा ऐ।

<><><><><><>

Ranchi

झारखंड च इंडिया ब्लाक दे नमें चुने गेदे विधायक अपने लीडर दा चुनां करने लेई अज्ज रांची च मीटिंग करगन। मुख्यमंत्री हेमंत सोरेन हुंदी अधिकारिक रिहायश पर एह मीटिंग सददी गेदी ऐ। सूत्रें आखेआ जे हेमंत सोरेन होरें गी इंडिया ब्लाक विधानमंडली पार्टी दा लीडर चुने जाने दी मेद ऐ। नेता चुने जाने मगरा हेमंत सोरेन होर राज्य च नमीं सरकार बनाए जाने दा दावा पेश करगन।

<><><><><><>

All Party Meet

संसद दे सयाले आले इजलास कोला पैहले सरकार अज्ज सब्बने पार्टिएं दी इक बैठक लोआ करदी ऐ। रक्षा मंत्री राजनाथ सिंह होर इस बैठक दी प्रधानता करगन। इस बैठक च सरकार संसद दे इजलास दरान लोकसभा ते राज्यसभा दे कम्मकाज गी रमानदारी कन्ने चलाने बारे सब्बने पार्टिएं थमां समर्थन मंगगन। सेयाले आला इजलास कल शुरू होआ कदा ऐ ते एह 20 दिसम्बर तोड़ी चलग। उआं 26 नवम्बर गी संविधान दिवस मनाए जाने दे चलदे पार्लियमेंट दी बैठक नेई होग।

<><><><><><>

Tennis

टेनिस च भारत दी जोड़ी श्रीराम बालाजी ते रित्विक बोलीपल्ली नै इटली च एटीपी चैलेंजर टूर च पुरुष युगल खिताब जित्ती लैता ऐ। उनें दूई वरियता हासल जोड़ी फ्रांस दे थियो एरिबेज ते पुर्तगाल दे फ्रेनेसिको केब्रल गी कल फाइनल च हराई दित्ता। एटीपी चैलेंजर टूर च रित्विक बोलीपल्ली दा एह दूआ युगल खिताब ऐ। एहदे श पैहले उन्ने अर्जन कढे कन्नै पिछले म्हीने कजाखीस्तान च एलमाटी ओपन च जित्त हासल कीती ही।

<><><><><><>

Cricket

पथ च बार्डर—गवास्कर ट्रॉफी दे पैहले क्रिकेट मैच च भारत ते आस्ट्रेलिया बश्कार अज्ज बडलै त्रीए दिन दा खेड्ड शुरू होई गेदा ऐ। भारत नै बगैर कुसा खडारी दे आउट होए दे 172 रंजें पर अपनी पारी दी अगड़ी शुरूआत कीती। भारतीय टीम नै 218एं रंजें दी बढत बनाई दी ऐ।

<><><><><><>

IPL

इंडियन प्रीमियर लीग आईपीएल 2024 लेई सकुदी अरब दे जेद्दा च अज्ज ते कल नीलामी होग। एी उपरोतली दूआ ब'रा ऐ जिसलै नीलामी विदेश च आयोजित कीती जा करदी ऐ। आईपीएल 2024 आले नीलामी दुबई च आयोजित कीती गई ही। 1165 भारतीय ते 409 विदेशी खडारिएं सनें कुल 1574 खडारिएं नीलामी आस्तै अपनी सैहमति दित्ती ऐ। हर फ्रेंचाइजी बद्ध शा बद्ध 25 खडारिएं दी इक टीम बनाई सकदी ऐ। नीलामी थमां 204 स्लाट हासल कीते जाई सकगंन। इनें स्लाटस पर खर्च करने लेई 10 फ्रेंचाइजीएं कश तकरीबन 641 करोड़ 50 लक्ख रपे होंगन।

<><><><><><>